

外科灰餘集

自序

外科十法者。予歸宗普陀時所得也。予自普陀生長天都。五十有三載。業醫者凡三十年。爰著醫學心悟一書。詳言內症。梓行於世。而外科有未及。壬子冬。還歸普陀修行。適奉生天子廣發帑金。修葺我

隄行宮。前後寺僧以及工作人等不下數千人。其中病患不一。予爲調治。悉痊。復有患背疽者。有患臙瘡疥癬者。投以膏散。不半月而收功。因思予在天都時。僅著內科。而未及外科。灰餘集之靈驗也。乃復會聚精神。參悟外科。青囊約以十法。而施治之道。莫善於漢華公。

之神方約而效以之傳世庶幾其有小補乎。  
新安江子耀舟見是書而深喜之遂捐梓付  
之剞劂將見華公一書當與前醫學心悟並  
行於天壤間也

雍正癸丑孟夏月吉

旦歸宗普陀善財

國彭自序

外科十法總目

第一內消法

第二艾炙法

第三神火照法

第四刀針砭石法

第五圍藥法

第六開口除膿法

第七收口法

第八總論用藥法

第九詳論五善七惡救援之法

第十將息法

外科症治方藥

發背

對心發

腎俞發

手發背

足發背

遠志膏

普救萬全膏

銀花甘草湯

陳艾圓

蟾酥餅

菊花甘草湯

芎芷香蘇散

烏金膏

防風湯

海浮散

火照散

芙蓉膏

化腐紫霜膏

衛生湯

透膿散

參芪內托散

理中湯

參苓白朮散

補中益氣湯

藿香正氣散

十全大補湯

六味湯

八珍湯

歸脾湯

香砂六君子湯

八味地黃丸

紫金錠

腦疽



對口

偏對口

髮疽

發頤

時毒

大頭天行

加味甘桔湯

普濟消毒飲

井口疽

脇疽

肚癰

穿骨疽

魚口

臀癰

護心散

胡桃散

疔瘡

九龍丹

喉痺

纏喉風

纏舌喉風

乳蛾

舌衄

懸壺

腮瘰

喉瘰

走馬牙疳

牙瘰

牙齦

齒衄

牙痛

喉瘤

齒唇

加減安神丸

加減七味湯

三黃解毒湯

柳華散

清胃散

療牙止痛散

葛根湯

射香散

療癰

消癰丸

加味逍遙散

鼻痔

鼻淵

礪砂散

古拜散

聾豆抵耳

百蟲入耳

紅棉散

眼丹

崇症

平崇散

白禿瘡

麥錢散

粉刺雀斑

改容丸

破傷風

天麻散

跌打損傷

澤蘭湯

韭菜散

天下第一金瘡藥

乳癰

乳岩

瓜蒌散

香附餅

太乙膏

附骨疽

伏兔疽

蛇頭毒

脫疽

臁瘡



腸瘻

千金牡丹皮散

懸癰

臍毒

內痔外痔

脫肛

國老散

生熟地黃丸

田螺水

下疳

楊梅結毒

忍冬湯

金蟾脫甲酒

大麻風

赤白遊風

鵝掌風  
爛腳風

蕪蛇酒

當歸膏

湯泡火燒

疥瘡

天泡瘡

麻黃膏

黃柏散

頑癬

百部膏

救自刎法

竹木刺入肉

花蕊散

瘋犬毒蟲咬

白芷護心散

誤服砒毒

野菌毒

救自縊

救落水

壓夢不醒

搐鼻通天散

總目終

外科十法

第一內消法。內消者。腫痛初起。隨即用藥消散也。凡病瘰癧發背。疔口。疔毒。其初起增寒壯熱。有似傷寒。而痛偏著一處。飲食如常者。蓄積有膿也。當初起時。膿尚未成。不過氣血乖違。逆於肉裏耳。外敷遠志膏。或貼普救萬全膏。內服銀花甘草湯。即時消散。若係疔瘡。急宜刺破。或艾灸腫處。搽上蟾酥餅。貼以萬全膏。內服菊花甘草湯。隨即平伏。菊花連根帶葉皆治。

疥瘡之聖藥也。其中亦有挾風寒而發者。宜先用芎  
芷香蘇散以散之。隨服銀花菊花等藥。即可內消。務  
須及早下手。不可遲滯。

第二艾灸法。隔蒜灸法。勝用刀針。書云。不痛灸至痛。  
痛灸不痛時。凡治癰疽。疔腫。流注。及一切無名腫毒。  
以大蒜切片。安瘡頂上。用陳艾炷安蒜上。香點灸之。  
其艾炷大小。看瘡毒大小。爲取裁。若癰疽之大者。以  
蒜搗餅敷上。灸之不痛者。灸至痛而止痛者。灸至不

痛而止。若內已有膿，卽將烏金膏塗灸處。外用曹救  
萬全膏貼之。爛開大口，卸却瘀膿，易收功也。若口不  
收，或腐肉不脫，洗用防風湯，敷以海浮散。外貼萬全  
膏，腐自去，新自生，計日可愈。真神藥也。

第三神火照法。凡腫在頭面以上者，不宜艾灸，恐引  
火氣上攻。宜用火照法。神乎其神。法用火照散，安紙  
撚中，以麻油浸點。每用火三枝，離毒半寸許，照之。自  
外而內，俾藥氣透入。皮色紫滯者，立轉紅活。瘡勢平

楊者立轉高聳。仍須不時照之。則毒氣頓解。轉陰爲陽。以收全功。且此法不止施於頭面。卽如發背等毒。亦宜用之。其頭面患毒。亦有用艾灸而愈者。因其毒純陰。平塌頑麻。非艾灸無功。但艾炷宜小。如麥粒樣。式二法。乃瘡疽門之寶筏。宜互相參攷。以神其用。

第四刀針砭石法。凡毒有脹痛緊急。膿已成熟。無暇待灼艾火照者。卽宜用刀法開之。但刀法須在的確。膿熟之時。又須要淺深合度。以左手按腫處。先看膿



之成否如按下軟而不痛腫隨手起者膿已成也按下硬而痛或凹陷不起者膿未成也已成膿者可刺未成膿者宜姑待之若脾虛氣弱者宜托補之又須看其膿之深淺以手指按下軟肉深者其膿必深軟肉淺者其膿亦淺若膿淺刀深恐傷好肉膿深刀淺恐毒不出而內敗最宜斟酌更有伏骨之疽膿腐於內皮色不變者宜以刀刺入深處放出瘀膿或灸開大口放出之不得姑息因循俾毒氣越爛越深也其

小刀須利刃勿令病者見恐驚彼耳。砭法施於頭面及耳前後因其漫腫無頭急用此法以瀉其毒取上細磁鋒用竹箸夾定緊紮放鋒出半分對患處另以箸敲之徧刺腫處俾紫血多出爲善刺畢以精肉貼片時再用雞子清調乳香末潤之此地不宜成膿頭內中空耳前後更多曲折提膿拔毒恒多未便故砭法斷宜早施。

第五圍藥法。書云用膏貼頂上敷藥四邊圍凡腫毒

之大者。將以成膿。用烏金膏貼瘡頭上。然後用萬全膏蓋之。四旁用芙蓉膏敷之。貼膏處。取其出膿。敷藥處。取其消散。並能箍住根脚。不令展開。共作三層敷圍。法第一層用烏金膏貼瘡頭。若漫腫無頭。以濕紙貼上。先乾處是瘡頭也。第二層萬全膏貼之。第三層芙蓉膏圍之。然予嘗用萬全膏。徧覆腫處。連根脚一齊箍住。其中消處自消。潰處自潰。竟收全功。可見膏藥之妙矣。

第六開口除膿法。凡治癰疽口小膿多則膿不出或  
出而不盡或薄膿可出硬膿難出以致瘀不去而新  
不生延綿難愈法當爛開大口俾瘀膿盡出爲善其  
爛藥烏金散最佳祛瘀肉不傷新肉且不甚掀痛爲  
至妙也若有膿管以綿紙撚裹藥紆入頻換數條卽  
化祛耳亦有頑硬之極非烏金散所能去者則用化  
腐紫霜膏搽之然終不若烏金散爲至穩

第七收口法。凡癰疽最難收口者皆由瘀肉夾襍瘀

膿不盡所致。庸王不識。妄用補濟之劑。勉強收口。恐  
他日內毒復發。更甚於目前。惟子所用。海浮散。堪稱  
至寶。以此敷上。瘀肉自脫。不必用刀。新肉自生。又不  
藏毒。萬舉萬當也。大法先用防風湯洗之。再上末藥。  
洗時須避風。爲玉書云。頻將湯洗。切忌風吹。是已。更  
有體虛不能收口者。須內服補藥以助之。  
第八總論服藥法。凡瘡服藥。宜照顧脾胃爲主。不  
得已而用清涼。但期中病。切勿過劑。大法初起時設

有挾風寒者宜先用芎芷香蘇散一劑以散之。散後而腫未消。隨用銀花甘草以和解之。若腫勢掀痛。大便閉結。內熱極盛者。則用衛生湯加大黃以疏利之。若病勢雖盛。而元氣漸虛者。則清藥中須兼托補之劑。透膿散之。若膿水已潰。必須托補元氣爲主。參耆內托散主之。如或元氣虛寒。則托補藥中須用辛熱以佐之。脾虛者。理中湯。參苓白朮散。氣虛下陷者。補中益氣湯。胃經受寒。飲食停滯者。藿香正氣散。氣

血兩虛者十全大補湯加附子鹿茸龍骨間亦有虛而  
挾熱者卽于前方中去附子姜桂加麥冬銀花丹皮  
等藥以收功是又不可不知也大抵有陽毒有陰毒  
有半陰半陽宜細辨之陽毒者瘡勢紅腫瘡頂尖聳  
根脚不散飲食如常口渴便結五心煩熱脉洪數陰  
毒者瘡勢灰白平塌頑麻少痛根脚走散食少便溏  
手足厥冷口鼻氣冷脉沉遲半陰半陽者瘡腫雖紅  
不甚尖聳飲食差減大便不結寒熱往來微渴喜熱

六  
脉虚軟。此三者必須細辨。俾用藥寒溫得宜。方爲合法。治陽者。清涼解毒。治陰者。溫中回陽。半陰半陽之治。清不傷胃。溫不助邪。如斯而已矣。

第九復論五善七惡救援之法。或問癰疽五善七惡。何謂也。答曰。五善者。飲食知味。一也。便溺調勻。二也。膿潰腫消。膿水不臭。三也。神氣清爽。動息自寧。四也。脉息有神。不違時令。五也。七惡者。太渴發熱。泄瀉淋閉。一也。膿潰尤腫。膿稀臭穢。二也。目睛無神。語聲不



亮三也。食少不化。服藥作嘔。四也。恍惚嗜臥。氣短乏  
力。腰背沉重。五也。唇青鼻黑。面目浮腫。六也。脉息無  
神。或躁動不和。七也。古語云。五善得三則吉。七惡得  
四則凶。余謂七惡之凶。不待四矣。然而拯救之法。正  
不容以不講。大抵熱渴淋閉。喘急內熱。皆真陰受傷。  
宜用六味湯加麥冬五味。如不應。用八珍湯加麥冬  
五味。更不應。用十全大補湯。兼服六味地黃丸。此補  
陽生陰之說也。若氣短倦怠。昏憤乏力。飲食不化。乃

陽虛之候。宜用補中益氣湯。若睡臥不寧。宜用歸脾湯。若飲食減少。面目浮腫。宜用香砂六君子湯。若兼脾胃虛寒。更用理中湯。腎氣虛寒。須用桂附八味丸。兼用十全大補湯加附子。此溫補回陽之法也。若瘡痍潰後。膿血去多。變爲角弓反張。手足搐搦。肢體振搖而發瘧者。並宜用參芪歸朮附子等藥以救之。如不應。用十全大補湯間有可生者。當此時勢性命急如懸縷。司命者宜呵噤反覆熟思而審處之。

第十將息法。凡病中設有挾風寒者。卽宜斷去葷腥。油膩。微服散藥。俟外邪祛盡。再用滋味調補。大抵將息。癰腫不可缺少滋味。以血肉能生血肉也。然又不宜過多。使肉氣勝穀氣。更忌生冷滯氣之物。恐反傷脾胃耳。並宜避風邪。戒嗔怒。寡思慮。少言語。兢兢保養爲貴。至於病後將息。毒大者。三年內宜遠幃幙。毒小者。期年內宜遠幃幙。犯之則成虛損。或成偏枯。或陰滅天年。不可不慎也。其他戒怒慎風。亦須常作有。

病時想

以上十法乃治癰疽發背之大綱。大者可爲小者可知。已子生平善治外症。其心法全在於此。約而能該。確而可守也。至于周身上下所患之病名。脩載於後。以資參考。

外科症治方藥

生於背名曰發背肺經火毒也生於背下與心相對名曰

對心發心經火毒也生於腰名曰腎俞發腎經相火之毒

也生於肩脊名曰搭背右為肺火左為肝火也生于手背

名曰手發生於足背名曰足發脾經濕熱之毒也有如連

子形者頭多突起有如蜂窠形者孔多內陷外結螺鑿此

二種須防毒陷大率此症皆由膏梁厚味或大淫外客七

情內鬱所致積聚不散以致榮氣不從逆於肉裡耳初覺

腫痛卽宜用藥消散之散而不去則用艾炙提膿等法癰疽之症始爲熱中末傳寒中不可不察也 〇〇〇〇

遠志膏 凡一切癰疽腫毒初起之時隨用遠志肉二三兩去心清酒煮爛搗如泥敷患處用油紙隔布扎定越一宿其毒立消屢試屢驗其效如神

普救萬全膏 治一切風氣走注疼痛以及白虎歷節風鶴膝風寒濕流注癰疽發背疔瘡癰瘰癧跌打損傷腹中痞塊多年瘡母頑痰癰血腹痛泄瀉小兒疳積女人癥

癰諸症、並貼患處、咳嗽瘡、疾貼背脊心第七椎、予製此膏、普送、取效神速、倘貼後起泡出水、此病氣本深、盡爲藥力拔出、吉兆也、不必疑懼、記之、記之、

藿香

木香

白芷

白歛

烏藥

生地

貝母

丁香

白芨

當歸尾

姜蚕

檀香

蜂房

苦參

五加皮

細辛

秦艽

防風

肉桂

大楓子

蟬退

丁皮

羌活

桂枝

蘿蔔子

全蝎

赤芍

元參

南星

草薢子

鱉甲

獨活

枳殼

艾絨

白蘚皮

荆芥

蘇木

連翹

藁本

高良姜

桃仁

紅花

杏仁

川芎

香附

牛膝

續斷

蒼朮

黃芩

威靈仙

麻黃

川烏

牙皂

草烏

金銀花

甘草

附子

半夏

紫荊皮

骨碎補

海風藤

黑山枝

以上各一兩五錢

大黃

三兩蜈蚣三十條



蛇脫

五条

槐枝

桃枝

柳枝

桑枝

練枝

榆枝

楮枝

以上各三十五寸

男人血餘

三兩以上俱浸油內

真麻油

二十斤天平秤

松香

一百觔皮濾淨

百草霜

十觔細研篩過

冬浸九宿、春秋七宿、夏五宿、分數次入鍋、文武火熬、以藥枯油黑、滴水成珠爲度、濾去渣、重稱、每藥油十二兩、下濾淨片子松香四觔、同熬至滴水不散、每鍋下百草霜細末六兩、勿住手攪、俟火候成、則傾入水缸中、以棒

攪和成塊用兩人扯拔數次磁鉢收貯治一切風寒濕氣瘡疽等症其效如神。又法治瘡疽用血丹收更妙。每油一觔用血丹六兩。

銀花甘草湯 治腫毒初起時皆可立消內服此藥外敷遠志膏一切惡毒無不消散但宜早服爲妙倘瘡已成膿必須外潰無從消散也。

全銀花 二兩 甘草 二錢

水煎清酒冲服。○若毒在下焦加牛膝二錢。

陳艾圓 每歲端午日蓄斬艾一三觔愈久愈良用時取  
葉爲炷或加射香木香明雄黃末碾成團安竊上炙之  
名藥艾圓

蟾酥餅 治疔毒腦疽乳癰附骨疽瘰癧一切惡症或不  
痛或大痛或麻木用此敷貼瘡頭

真蟾酥 二錢 酒化 輕粉 五分 乳香 沒藥

明雄黃 各二錢 射香 三分 硃砂 一錢 朝腦 一錢

芭荳霜 二錢

以上各爲細末，于五月五日午時在淨室中，用蟾酥酒和藥，丸如菉豆大，每用一丸，口涎調糊，貼疔瘡上，以膏蓋之。

菊花甘草湯 治疔之仙藥也。

白菊花 四兩 甘草 四錢

水煎頓服，渣隨即再煎服，重者不過二劑即消，至穩至效，一切消疔之劑皆不及此。

芎芷香蘇散 凡毒多有挾風寒而發者，宜先用此散之。

如毒不消、隨服銀花甘草等湯、

川芎

白芷

紫蘇葉

赤芍

陳皮

甘草

各一錢

荆芥

香附

秦艽

各一錢五分

連翹、葱白二寸、水煎服。若兼傷食、加山楂、麥芽、荷葉、

○若內熱極盛、加連翹、荷葉、

烏金膏

去腐肉、不傷新肉、最爲平善、

芭芎去殼、新瓦上炒黑、研爛、聽用、多寡看瘡勢酌量、

防風湯

防風

白芷

甘草

赤芍

川芎

當歸尾

各二錢

雄豬蹄

一節

加連鬚葱白五根、用水三大碗煎、以絹片蘸水洗之、拭

乾、然後上藥、其深曲處、以羊毛筆洗之、

海浮散

敷此腐肉自去、新肉自生、此外科回生保命之

靈丹也、予治外症全倚之。

明乳香

沒藥

等分

右二味、安箬皮上、火炙乾、爲極細末、敷患處、再貼膏藥、

此散毒淨則收口毒不盡則提膿外出其神妙難以言喻。

# 火照散

硃砂

血結

沒藥

明雄黃

各三錢

射香

五分

右五味爲細末、用綿紙條長尺許、每條裹藥三分、真蘇油浸點、自外而內、周圍照之、瘡毒隨藥氣解散、自不內侵臟腑、初用三条、漸加至五七条、瘡勢漸平、又漸減之、

薰罷、隨上烏金散、貼以萬全膏、若腫勢漫衍、周圍用芙蓉膏敷之、如再薰、須洗去末藥、其貼膏藥處、藥油可不  
必洗、

芙蓉膏

見上方厚皮膏

用赤小豆四兩、芙蓉葉四兩、香附四兩、菊花葉四兩、白芨四兩、爲細末、每末一兩、加射香一分、米醋調塗、住根脚、雞子清調亦可、

化腐紫霜膏

治癰疽發背、瘰癧肉不麻、及不作膿者、又諸



惡瘡內有膿而外肉不穿潰者

輕粉

草薢仁

研各三錢

芭荳

研白仁五錢

血結

一錢

朝腦

螺螄肉

錢各一

金頂砒

分煨五

共爲末、磁罐收貯、臨用時、麻油調搽頑硬肉上、以萬全

膏貼之、至頑者、不過二次卽軟、其力大於烏金散、

衛生湯

解毒消癰、清熱活血、止痛、初起相宜、

白芷

連翹

花粉

各八分

荊芥

甘草節

旁子

錢各一

防風

乳香

沒藥

各五分

金銀花

錢三

貝母 當歸尾 各一錢五分

水煎服。若大便閉結、熱勢極盛者、加酒炒大黃二三錢、

透膿散 凡癰毒內已成膿、不穿破者、服此即破、

黃芪 四錢 皂角刺 白芷 川芎 牛旁子

穿山甲 炒研各一錢 金銀花 當歸 各五錢

酒水各半煎服

參者內托散 丹溪云、腫毒未潰、以疎托解毒為主、癰疽

既潰以托補元氣爲主二語可爲外科樞要

人參 一錢 虛甚者倍用 黃芪 三錢 酒炒 當歸 二錢 川芎 五錢 酒炒

甘草 五錢 炙一錢 陳皮 五錢 金銀花 五錢 丹皮 一錢

木香 五分 遠志 去心 甘草 水炮 炒一錢 五分

大棗五枚 水煎服

理中湯 溫補中氣 挽回元氣

人參 二錢 黑姜 一錢 五分 甘草 二錢 炙 白朮 三錢 土炒 陳

附子 姜汁甘草 水製一錢

大棗五枚、去核、水煎服、

參苓白朮散 健脾養胃

人參 一兩

茯苓 二兩 蒸

山藥 炒

苡仁 炒

扁豆 炒

蓮子肉

去心炒 各三兩

砂仁

一兩

神曲

炒黑

甘草

炒各五錢

白朮

四兩 陳土炒

陳皮

一兩 微炒

共為細末、每用三錢、開水下、

補中益氣湯

中氣下陷者、舉之、巔頂有病者需此、

人參

炙甘草

當歸

各一錢

升麻

柴胡

各三分

陳皮 五分 黃芪 二錢 白朮 一錢五分

大棗二個、生姜一片、水煎服、

藿香正氣散 散風寒、消飲食、止嘔吐、瀉痢、

藿香 砂仁 厚朴 茯苓 紫蘇葉

陳皮 各一錢 白朮 陳土炒 半夏 桔梗 白芷 各七分

甘草 炙五分

生姜三片、水煎服、

十全大補湯 峻補血氣、乃扶危定傾之大藥、爲收功保

命之神丹

人參

白朮

陳土炒各三錢

黃芪

蜜炙五錢

茯苓

一錢

當歸

一錢五分

大熟地

二錢九蒸九晒

白芍

酒炒一錢五分

甘草

炙八分

川芎

肉桂

去皮各五分

大棗五枚、姜三片、水煎服。○虛甚者、更加附子、鹿茸、

六味湯

壯水之主、以鎮陽光、凡腎經真水不足、虛火上

炎、脉數有熱者、宜此。

大熟地

四錢

山萸肉

山藥

各二錢

丹皮

茯苓

各一錢五分

澤瀉 一錢

水煎服

八珍湯即十全大補湯去黃芪肉桂

歸脾湯 治思慮傷脾、榮血不足、睡臥不寧

人參

白朮

當歸

棗仁

炒

白芍

各一錢

黃芪

一錢五分

遠志

去心甘草  
水泡洗

甘草

炒各七分

木香

五分

元眼肉五枚、水煎服

香砂六君子湯

理脾化痰、溫胃進食

人參

白朮

茯苓

炙甘草

陳皮

半夏

各一錢

砂仁

藿香

各八分

姜二片、棗三枚、水煎服、

桂附八味丸

益火之原以消陰翳凡腎經真陽不足火

衰不能生土、脉虛大無力者宜此。

大熟地

八兩

山萸肉

山藥

各四兩

丹皮

茯苓

澤瀉

各三兩

附子

肉桂

各一兩

用煉蜜丸、每服四錢、淡鹽水下、



紫金錠 解諸毒、療瘡腫、主用極弘、立見奇效、凡居家出入、遠遊仕宦者、不可缺此、

山茨菇、洗淨二兩

五倍子、槌碎洗淨二兩

千金子、去壳去油淨一兩

紅茅大戟、去蘆根洗淨焙乾為末一兩五錢

明雄黃、三錢水飛

硃砂、三錢水飛

射香、當門子三錢

以上藥於淨室中製為極細末、候端午七夕、或天月三德日、合起、以糯米濃粥湯和勻、杵千下、凡含藥、切忌婦人雞犬見、每錠一錢、每服一錠、或半錠、開水磨服、病在

上者必吐、在下者必利、吐利後、以溫粥補之、

一治飲食藥毒、蠱毒、菌毒、河豚毒、自敗牛馬猪羊等肉、毒人悞食之、必脹悶昏倒、急用水磨一錠灌之、或吐或瀉、其人立甦、

一南方山嵐瘴氣、霧露水濕、自人感之、卽覺滿悶嘔噦、憎寒壯熱、隨用開水磨服數分、卽愈、

一治瘰癧發背、對口、疔瘡、天蛇毒、楊梅瘡、並用無灰清酒磨服、外用醋磨塗瘡上、日夜數次、覺痒而消、

一治喉閉、喉風、喉疔、乳蛾等症、並用薄荷煎湯磨服一錠、卽見消散、

一治絞腸沙、烏沙脹、通腹攪痛、非常用、清水磨服一錠、卽愈、

一治婦人邪氣鬼胎、用石菖蒲煎湯磨服一錠、卽消、

一治自縊、溺水、壓夢、鬼魅迷人、但心頭溫者、俱用生薑汁磨服一錠、立甦、

一治惡蛇、瘋犬、毒蝎、溪澗諸惡蟲傷人、隨卽發腫、攻注

走痛、或昏悶、喊叫、命在須臾、急用清酒磨下一錠、仍取  
他人口涎、磨敷患處、再服葱湯一大碗、被蓋出汗、其人  
必活、

一治天行時疫、延門傳染、用米醋磨濃、塗鼻孔中、仍以  
開水服少許、卽不傳及、

一治傳尸勞瘵、諸藥不效、每早用清水磨服一錠、三日  
卽下惡物、有一女子患瘵症、方士教服此片時、吐下小  
蟲十餘條、後服蘇合香丸、其病頓愈、以此相傳、活人不

計其數此真濟世衛生之寶藥也

生於腦名曰腦疽。生於頸後名曰對口。生於頸旁名曰偏對口。正對口易治。偏對口難治。因其軟肉與喉相近也。多因膏粱醇酒風寒壅遏所致。宜用神火照法。次用烏金膏搽之外。貼萬全膏。取其易潰。潰後則用防風湯洗之。摻以海浮散。仍貼萬全膏。頻患數次。卽愈矣。

生於耳前後名曰鬚疽。生於兩頤名曰發頤。初起宜用銀花甘草湯加柴胡荆芥薄荷旁干以清散之。若腫勢極盛。

須用砭法。若已成膿而未潰者，以烏金膏擦瘡頭，蓋以萬全膏。自然腐潰。潰後則用海浮散，並貼萬全膏。白應尋愈。頰下漫腫無頭，名曰時毒。俗名蝦蟆瘟是也。頭面盡腫，名曰大頭天行。俗名大頭瘟是也。此皆風火鬱熱所致。初起宜用加味甘桔湯以消散之。散而弗去，則用普濟消毒飲以清之。若腫勢極盛，兼用砭法。

加味甘桔湯

甘草

桔梗

各三錢

旁子

炒二錢

荆芥

三錢

薄荷 五分 貝母 一錢五分

水煎服。若兩頤腫盛者，加柴胡一錢五分，丹皮三錢。

普濟消毒飲

甘草

桔梗

黃芩

酒炒

黃連

酒炒各一錢

元參

橘紅

柴胡

各五分

薄荷

六分

升麻

二分

連翹

牛旁子

炒各一錢五分

水煎服。便閉甚，加酒炒大黃一錢。體虛，加人參五分。

生於心名曰井口疽生於脇名曰脇癰生於腹名曰肚癰  
生於手脚腕名曰穿骨疽生於腿名曰魚口生於臀名  
曰臀癰施治並如前法

**護心散** 患井口疽者宜多用他症亦宜用此

遠志肉

二兩五錢去心  
甘草水泡炒

萊豆粉

二兩

甘草

五錢炒

明乳香

一兩箸  
上炙

辰砂

二錢細  
研水飛

共爲細末每服三錢開水下

**九龍丹** 治魚口便毒騎馬癰橫痃初起未成膿者服之



兒茶

血珀

乳香

沒藥

青木香

穿山甲

炒各一兩

右各等分爲末。歸尾三兩。紅花二兩。酒煎膏。丸如桐子大。每服二錢。空心熱酒送下。數服自消。

### 胡桃散

以大胡桃剝開口。將全蠟二枚裝入。燒灰存性。研末。熱酒冲服。

疔瘡初起如疥。形如粉刺。或小泡。堅硬如釘。故名曰疔。大

抵肉色紅腫根脚不散者吉。若平塌漫腫四圍灰白者凶。其狀不一其色不同有紅紫黃白黑之五種以應五臟。若生兩足多有紅絲至臍。生兩手多有紅絲至心。生唇面多有紅絲入喉俱難治。速宜針紅絲出血多有生者。若患於肢末之處毒愈凝滯藥難導達。艾炙之功爲大。內服菊花甘草湯至效。如妄用疎利之劑耗散真氣不惟無以去毒而害反隨之矣。其治法卽見前十法中。

喉間腫痛名曰喉痺。古人多用甘桔湯主之。然有虛火實

火之分。外感內傷之別。不可不審也。外感者。暴發之症也。多屬實火。其症或因風邪鼓動其火。或因寒氣閉塞其火。或因煎炒厚味。醇酒椒姜。俾肺胃之火。結聚于上。其發至暴。甚則痰涎上壅。牙關緊急。湯水不入。語聲不出。古方多用蠟窩油。和漿水吐之。導去痰涎。或用土牛膝搗爛。和酸醋灌之。或用刀針刺紅腫處。拔去膿血。立瘥。然後以甘桔湯隨症加減治之。大抵挾風寒者。本方加荊芥。防風。蘇梗。薄荷之屬。挾火者。更加大力子。連翹。貝母。若火勢極盛。須

用姜汁炒黃連以抑之。或兼用三黃解毒之類。夾食者。須用麥芽、山楂、薤白、枳殼。因酒者。加葛根。痰多。更加金沸草、橘紅、九製胆星、瓜蒌仁。復有非時暴寒。潛伏于少陰而成咽痛者。名曰腎傷寒。宜用本方。加半夏、桂枝、細辛、炙甘草。若因直中寒邪。逼其無根失守之火。發揚于上。其症手足厥冷、口鼻氣冷、下利清穀、腹中冷痛。宜用附子理中湯。加葱白、桔梗。但溫其中。而喉痛自止。不可誤作火論。凡此外感之治法也。內傷者。漸至之症也。謂之虛火。其症或因心

事勞神。或因怒動肝火。或因腎水不足。浮火上炎。或因腎經陽虛。火不歸原。大法。心事不寧者。宜用加味安神丸。怒傷肝者。宜用逍遙散。腎水不足。脉多細數而無力。宜用六味地黄湯。加生地、牛膝、麥冬、龜板之屬。若腎經陽虛。脉大無力。火不歸原者。宜用加減七味湯。如不應。更用八味丸。若中氣虛弱。勞倦傷脾。而火動者。宜用參朮歸朮以補之。若喉痛日久。涼劑過多。痰涎上泛。語聲不揚者。此爲肺絕。喉痺。更宜倍用人參。古方多用參膏灌之。或救十中之一。

二如無力服參膏者可用十全大補湯不可誤作外感而用清涼之劑凡此內傷之治法也夫症屬外感有吐法有散法有清法有吹法若膿血凝聚則有刀針法症屬內傷者有安神法有開鬱法有滋陰壯水法有引火歸原法有補氣回元法咽喉關要之地見症多端性命急如懸縷學者宜叮嚀反覆熟思而審處之

纏喉風症咽喉腫痛脹塞紅絲纏繞故名纏喉風甚則腫達于外形如蛇纏探吐悉如前法

纏舌喉風。硬舌根而爛兩旁。以羊毛筆蘸甘草水洗之。吹以柳華散。

乳蛾生喉間。狀如乳頭。一邊生者名單乳蛾。兩邊生者名雙乳蛾。以小刀點破乳頭。出血立瘥。吹以柳華散。隨服加味甘桔湯。凡針乳蛾。宜針頭尾。不可針中間。鮮血者易治。血黑者難治。凡用針血不止者。用麝三七爲細末。滲刀口上。卽止。凡使刀針。不可傷蒂下及舌下根。切切。舌衄出血不止。用六味加生地。元參主之。並吹柳華散。

懸癰生上腭。如紫李。宜針破。用甘草湯洗之。吹服如前。  
腮癰生腮下。先用吐法。再針紫黑處。去瘀血。吹服如前。  
喉癰。命門相火也。如灌膿。以銀針挑破之。吹服如前法。  
走馬牙疳。牙齦腫爛。漸變紫黑臭穢。胃熱也。牙癰。腫痛。灌  
膿也。牙齦牙根盡腫。宣露于外也。齒齕。牙床出血也。吹以  
柳華散。兼服清胃散。牙痛。宜用止痛散。兼服葛根湯。  
喉痛。生于喉旁。形如圓眼。血絲相裹。不可用刀針。宜吹射  
香散。並服加味甘桔湯。



繭唇唇上起泡如繭初起卽用小艾炷炙之貼以萬全膏

加減安神丸 養心神降虛火

遠志肉

去心甘草才  
泡蒸四兩

茯神

去木  
蒸

茯苓

蒸各一  
兩五錢

石菖蒲

五錢

麥冬

去心  
二兩

人參

四錢

甘草

炙三  
兩

用天冬八兩煎膏爲丸辰砂爲衣每服三錢開水下

加減七味湯

治喉痛虛火上炎乃引火歸原之要法

大生地

水洗  
細切

大熟地

各三  
錢

山藥

二錢

茯苓

丹皮

白芍

各一錢  
五分

牛膝

麥冬

各二  
錢

肉桂 去皮五分

澤瀉 一錢  
秋石 三分

水煎服

三黃解毒湯

黃連 二錢

黃芩

黃柏

黑山枝 各一錢五分

水煎服

柳華散

治喉瘡、並口舌生瘡、走馬牙疳、咽喉腫痛諸症、

真青黛

蒲黃 炒

黃柏

人中白 各一兩

冰片 五分

硼砂 五錢

共爲細末吹喉極效

清胃散

升麻錢一 生地錢二 黃連 連翹 丹皮各一錢

水煎服

療牙止痛散 止牙痛神效

牙硝錢三 硼砂錢三 明雄黃錢二 冰片一分 麝香五厘

共爲末每用少許擦牙

葛根湯

葛根 二錢  
升麻 一錢  
甘草 五分  
薤白 五分  
水煎服。風勝加荊芥、防風、薄荷、火盛加連翹、丹皮、生地、旁子。

射香散

真射香 二錢  
冰片 三分  
黃連 一錢

共爲末、一日夜吹五六次、

燥癰頸上痰癰癰串也。此肝火鬱結而成。宜用消癰丸兼

服加味逍遙散。

消癰丸

此方奇效，治愈者不可勝計。予曾刻方普送矣。

元參

蒸

牡蠣

煅醋碎

貝母

去心蒸各四兩

共為末，煉蜜為丸，每服三錢，開水下，日二服。

加味逍遙散

治肝經鬱火，頸生癰癰，並胸脇脹痛，或作

寒熱，甚至肝木生風，眩暈振搖，或咬牙發瘧諸症。經云：木鬱達之是矣。

柴胡

茯苓

當歸

白朮

甘草

白芍

丹皮

黑山枝

各一錢

薄荷

五分

水煎服

鼻痔鼻生瘰肉也。起於濕熱。可吹礞砂散。鼻淵鼻流濁涕。不止也。起於風熱。可用古拜散。

礞砂散

礞砂 五分

白礞 二錢 煅枯

共爲細末。每用少許。點鼻痔上。即消。

古拜散

荊芥穗

右爲細末，每服三錢，生姜湯調下。有火者，陳茶調下。聾豆抵耳，耳內生疔也。乃肝經鬱火所結，可用紅棉散兼服加味道遙散，加菊花百蟲入耳，以貓尿滴入，奇效。

### 紅棉散

白礬 二錢

臘脂 一錢 燒灰存性

右研勻，先用棉杖子攪去膿水，更另用棉杖子蘸藥，摻入耳底，卽乾。若聾豆抵耳，加射香五厘。

眼丹，眼旁生泡，潰而流水也。屬風熱，加味道遙散主之。又

眼珠忽然腫脹突出。屬崇症。平崇散主之。

平崇散

黃連末

二分

甘草末

冰片

各一分

硃砂

三分

人乳調點兩眼角立消。

白禿瘡。此火旺血熱而生蟲也。麥餞散主之。髮落不生。骨碎補爲末。蒜油調搽之。

麥餞散

用小麥一升炒枯黃色。乘熱入鉢內爲末。和硫黃末。



四兩、白礪末五錢、攪勻、待冷取起、加烟膠半觔、川椒末二兩、生枯礬各二兩、共碾極細、臨用、蔥湯洗淨、末藥二三錢、麻油調搽、油帛蓋扎、三日一換、三次愈、粉刺雀斑風熱也、改容丸主之。

### 改容丸

大貝母 去心

白附子

防風

白芷

菊花葉

滑石 各五錢

右爲細末、用大肥皂十筴、蒸熟、去筋膜、搗和藥爲圓、早

晚洗面

破傷風因跌打傷頭腦。而客邪乘之。以致手足搐搦。人事昏憤。天麻散主之。

天麻散

天麻

生南星

煨去  
膽

防風

各一  
兩

荆芥

三  
兩

右爲細末。每用五錢。連鬚葱白煎湯調下。

跌打損傷之後。凡大小便通利者。可用廣三七二三錢。酒煎飲之。或服澤蘭湯。若大便不通。必加大黃。其破損處可

用血結爲極細末。摻之。韭菜散亦良。余用天下第一金瘡藥。最佳。可保無虞。

澤蘭湯 通二便、除腸中瘀血、乃活命之靈丹也。

澤蘭

當歸 各五錢

紅花 一錢

丹皮 三錢

青木香

一錢五分

桃仁

去皮尖 研十粒

赤芍

一錢五分

水煎、熱酒冲服。如大便不通、加大黃二三錢、酒炒。

韭菜散

止血如神。

石灰同韭菜搗成餅、沾貼壁止、候乾、細研篩下、聽用。

天下第一金瘡藥 凡刀斧損傷跌蹶打碎敷上即時止痛止血更不作膿勝於他藥多矣其傷處不可見水予製此藥普送因路遠者一時難取故刻方廣傳之今並筆之於書則所傳益廣矣各鄉有內之家宜修合以濟急也

雄猪油 一觔 四兩 松香 六兩 面粉 四兩 射香 六分

黃蠟 六兩 樟腦 三兩 研 冰片 六分 血結 一兩

兒茶 一兩 乳香 一兩 箬皮上 烘去油 沒藥 一兩 全上製

以上藥研極細。先將猪油、松香、黃蠟三味熬化。濾去渣。待將冷。再入藥末攪勻。磁器收貯。不可洩氣。

乳癰者。乳房掀腫作膿。膿盡則愈。其初起宜服瓜蒌散。敷以香附散。卽時消散。若已成膿。則用太乙膏貼之。若潰爛。則用海浮散摻之。外貼膏藥。吸盡膿自愈矣。乳岩者。初起內結小核。如碁子。積久漸大崩潰。有巉岩之勢。故名曰乳岩。宜服逍遙散。歸脾湯等藥。雖不能愈。亦可延生。若妄行攻伐。是速其危也。

瓜蒌散

瓜蒌 一個

明乳香 二錢

酒煎服

香附餅

敷乳癰。卽時消散。一切癰腫。皆可敷。

香附

細末淨  
一兩

麝香 二分

右二味。研勻。以蒲公英二兩。煎酒去渣。以酒調藥。熱敷患處。

太乙膏

治一切癰疽腫毒。用之提膿極效。

厚肉桂 二錢五分

白芷

當歸

元參

赤芍

生地

大黃

土木鱉

以上各五錢

乳香末

二錢

沒藥末

二錢

真阿魏

一錢

輕粉

一錢五分

血餘

一團

黃丹

六兩五錢

以上各藥用真麻油一觔浸入、春五、夏三、秋七、冬十日、  
傾入鍋內、文武火熬至藥枯浮起爲度、住火片時、用布  
袋濾淨藥渣、將鍋展淨、入油下血餘再熬、以柳枝挑看、  
俟血餘熬枯浮起、方筭熬熟、每淨油一觔、將炒過黃丹

六兩五錢徐徐投入不住手攪候鍋內先發青烟後至白烟叠叠旋起其膏已成將膏滴入水中試軟硬得中一端下鍋來方下阿魏散膏面上化盡次用乳香沒藥輕粉末攪勻傾入水內以柳木攪成一塊

附骨疽肉裡漫腫而皮色不變也宜用艾圓灸之俾其轉陰爲陽乃吉若生於膝上三寸名曰伏兔疽法在不治蛇頭毒手足指腫大如蛇頭也宜用艾炷隔蒜灸之以雄黃白芷等分爲末全大蒜搗爛敷之或嚼生栗敷之亦效



脫疽生手足指宜用艾炙之。若腫腐潰爛。摻以海浮散。貼以萬全膏。

臛瘡生於足之內。外臛宜服生熟地黃圓。並敷海浮散。貼以萬全膏。若濕熱甚而潰爛不收口者。于海浮散內加入黃柏散同敷。立效。

腸癰有。生於腸內者。腹內脹急。大小便牽痛如淋。轉側搖之作水聲。潰後則膿從大便出。有生於腸外者。當臍腫痛。腹皮脹急。潰後則膿自臍出。甚則穿潰大腸。食蟲亦自臍

出勢難爲矣。初起宜用千金牡丹皮散以消之。既潰則用參芪內托之劑。

千金牡丹皮散

丹皮

五錢

苡仁

一兩

瓜蒌仁

去油三錢

桃仁

去皮尖二十枚

水煎服

懸癰生于腎囊之後。肛門之前。又名海底漏。最難收功。膿毒生於肛門之兩傍。初時腫痛。繼則潰膿。總由濕熱相火。內灼庚金而然也。宜服國老散加減地黃丸並敷海浮散。

貼膏藥。此一定之治法也。內痔、外痔亦並可服前藥。洗以忍冬、簾蓆、蒲草，兼用田螺水搽之，可以立消。脫肛屬氣虛，補中益氣湯亦有血虛火旺者。四物湯加升麻。

### 國老散

甘草七段，用急流水一碗浸之，炙乾，又浸，又炙，以水盡爲度，研細末，每日空心開水調下二錢，忌煎炒烟酒，炙燂辛辣發氣等物。

### 生熟地黃丸

大熟地

九蒸晒

大生地

酒洗各三兩

山藥

乳蒸

茯苓

乳蒸

丹皮

酒蒸各一兩五錢

澤瀉

鹽水蒸一兩

當歸

酒蒸

白芍

酒炒

柏子仁

去殼隔紙炒

丹參

酒蒸各二兩

遠志

去心甘草水  
泡蒸四兩

自敗龜板

浸去牆童便炙酥  
研為極細末四兩

共為末、用金釵石斛四兩、金銀花十二兩、熬膏、和煉蜜

杵為丸、每早淡鹽水下四錢、

### 田螺水

用大田螺一個、以冰片摻齧中、仰放盞內、少頃、水流

出取擦痔瘡上其腫立消

下痢生瘡濕癢或陰莖腫爛或如菌如蛇此濕熱之甚也  
宜服九味蘆薈丸並用加味逍遙散氣虛者佐以加味歸  
脾湯

九味蘆薈丸

蘆薈 五錢

胡黃連

當歸

芍藥

川芎

燕黃 各一兩

木香

甘草 各三錢

龍膽草

七錢酒浸炒焦

右爲末、米粥糊丸、麻子仁大、每服一錢、或一錢五分、開水下。

楊梅結毒、不可搽輕粉、恐毒氣歸內、宜服忍冬湯、貼以萬金膏、並用金蟬脫甲酒。

忍冬湯

金銀花 一兩

甘草 二錢

黑料豆 二兩

土茯苓 四兩

水煎、每日一劑、須盡飲。

金蟬脫甲酒

治楊梅瘡不拘新久輕重皆效。好酒五觔用大蠟蠟一箇浸酒封瓶口煮香二枝。取起待次日隨量之大小以醉爲度。冬夏蓋煖出汗爲效。存酒次日只服量之一半。酒盡瘡愈。又治楊梅結毒筋骨疼痛諸藥不效者。更妙服酒後七日不許見風爲要。忌口及房事百日絕根矣。

大麻風皮膚腫烈搔癢頑麻如樹皮吐汁之狀。此濕毒生。惡甚則眉毛剝落鼻柱崩壞事不可爲也。宜服蘄蛇酒擦。

以當歸膏。赤白遊風。肌膚搔癢起皮也。鵝掌風。手足心頑厚起皮也。爛腳風。脚下濕爛也。並可搽當歸膏。內服逍遙散兼用生熟地黃圓。

蕪蛇酒

烏梢蛇亦可川

蕪蛇

去頭尾一具

生地

二兩

黃柏

苦參

丹參

菊花

銀花

丹皮

赤芍

當歸

枸杞子

蔓荊子

赤茯苓

車蘼

百部

各一兩

秦艽



獨活

威靈仙

各五錢

桑枝

一兩五錢

右煮好頭生酒五十觔退火七日飲

當歸膏

治瀉風並可搽赤遊丹鵝掌諸風

當歸

生地

各兩

紫草

麻黃

木鱉子肉

去殼

大楓子肉

去殼研

防風

黃柏

元參

各五錢

蘇油

八兩

黃蠟

二兩

先將前九味入油熬枯濾去渣再將油復入鍋內熬至滴水成珠再下黃蠟試水中不散為度候稍冷傾入蓋

碗內坐水中出火毒三日聽搽

湯。泡火燒。不宜見冷水。宜用白芷。蒜殼燒灰存性。研細末。敷之。若患處乾燥。則用蒜油調搽。或用柏子樹皮爲末。蒜油調敷亦善。

疥瘡有細小不作膿者。多屬風熱。有肥大灌膿者。多屬濕熱。俱用麻黃膏搽之。十日可愈。而不隱瘡。仍多服金銀花爲妙。更有天泡瘡。腫起白泡。小者如菉豆大。大者如蚕豆大。連片而生。或生頭頂。或生耳前後。宜用訶柏散敷之。立

瘡

麻黃膏

雄猪油

四兩

斑蝥

三個

麻黃

五錢

草薢子

一百粒去殼研爛

大楓子

一百粒去殼研爛

先將猪油化開下斑蝥煎數沸隨去斑蝥再下麻黃煎枯濾去渣將大楓草薢肉和勻聽搽

黃柏散

黃柏

一大塊以猪胰塗炙酥爲末麻油調搽

頑癬乃濕熱凝聚蟲行皮中有頑厚堅硬者俗稱牛皮癬

是宜用百部膏搽之。

百部膏

百部

白鮮皮

草薢子

去殼

鶴蝩

黃柏

當歸

生地

各一兩

黃蠟

二兩

明雄黃末

五錢

麻油

八兩

先將百部等七味入油熬枯，濾去渣，復將油熬至滴水成珠，再下黃蠟，試水中不散爲度，端起鍋，來將雄黃末和入，候稍冷，傾入磁鉢中收貯，退火聽用。

救自刎法。凡自刎喉管未斷者。不可見水。急用麻線縫之。外以血結細末拚之。隨用天下第一金瘡藥厚塗之。綿帛圍定。然後用狹裹脚布纏住。線扎之。間日加敷藥。頭不可動搖。十日愈。

竹木刺入肉。拔不出者。用象牙磨水。滴之。良久自出。或用蠟虫搗爛敷之。亦出。若日久血凝腫脹者。以花蕊散用象牙水調敷。瘀血散而刺並出矣。

花蕊散。花蕊石爲末八兩。硫黃末四兩。和勻。瓦罐盛之。

封口鹽泥固濟晒乾安風爐中上下着火煉二炷香候冷打開研篩爲極細末收貯此散瘀血之神藥也

瘋犬咬用明雄黃末五錢杏仁去皮尖百粒炒研每服

二錢虎骨煎酒送下服盡必愈外並用此敷患處毒蛇蜈

蚣咬用明雄黃細末用蒜搗爛敷之內服白芷護心散

### 白芷護心散

白芷一兩 明乳香三錢 明雄黃五錢 甘草五錢

共爲細末每服四錢清酒調下

供服砒毒小薊根搗汁灌之。或用金汁灌之。或用明礬大  
黃爲末。新汲水調灌之。得吐利爲效。野菌毒亦用金汁解  
之。紫金丹亦佳。

救自縊。抱下徐解繩索。用好肉桂三錢煎湯灌之。

救落水。以其人橫伏水牛背上。漉去腹中之水。如無牛。以  
橈代之。隨用搗鼻通天散吹鼻孔中。得嚏則活。獨用半夏  
末吹之亦佳。

壓夢不醒。吹以通天散。更用葱白生薑煎酒灌之。

摘鼻通天散

猪牙皂角

去皮弦一兩

細辛

去葉

半夏

各五錢

共爲極細末每用一二分吹鼻中得嚏則甦